



凝香集

卷之四

宦隱子

祥裔耦漁氏著

滿江紅

之蜀畱別徐澄源內兄

萬里西風。今始信銷魂惟別。一步步長安遠也。夕陽古驛。淚極染成衫上血。愁多打就心頭結。可憐人。端只有孤鴻空悲咽。吹不盡陽關笛。飄不盡。楓林葉。用不著郵烟把人遮滅。陣陣霜寒。燕市酒聲。鶻鶻冷琴臺月。恨仰勞東去鴈。西飛情何歇。

楚王宮

霸業成灰。空剩下舊時宮闕。輕烟殘照。一望堪悲。
切粉蝶翻翻舞袖冷。黃鶯嚙嚙歌喉歇。見枝枝交
影鎖紗窗。銀燈滅。珠樓毀。銅梁折。畫闌欹。雕牆
裂。盡青苔。蛛網。蟻封孤穴。白日可憐。蕭索雨黃昏。
不耐淒涼。月小堦前。只有美人花。虞兮血。

中元有感

幾許秋光。又催趲到中元節。鎮日裏雲昏雨暗。漫
天淒切。破廟翻經。鐘欲斷。小風送淚聲初咽。看傳

燈江上亂紅寒波千疊。到此際愁如結。到此地
魂應絕。慨年年此夕。迴腸寸裂。十載嚴親泉下路。
一杯祭酒兒今缺。可憐人客裏更飄零。無家別
春半次張五修原韻

花信番番調弄。做粉圍香簇。勾引得鶯喉燕舌。春
風一曲。欲把東君邀入室。玉鈎簾捲。湘江竹看美
人飛上柳梢頭。秋千綠。芳草軟。迷驄足。晴霧暖
迷人目。似摩詰堆來詩中畫。幅回首春光過半也。
酒杯茶碗乾。須速好移將小榻。近花叢。偎紅宿。

應張雪村徵命詩挽雲南烈女端姐 限韻

一幅紅綃是當日聘時帕子斷送了冰魂玉魄滇
雲萬里鸞鏡未酬描黛筆鴛情不作銷魂餌把蝓
蟻好頸自投環青春已巾幗事脂粉耳今日事
顏風起笑白衣蒼狗秦郎漢史豪傑胸牽兒女累
半生失節千秋恥怎如他點點小孩提從容死
十二聞夫死
遂自縊焉

尾犯

對鏡

春去惹相思頓覺如慵如昏如醉好倩冰輪寫出
人憔悴眉尖上橫烟斂恨眼角裏含酸欲淚鏡中
鏡外幾許閒愁更幾多閒思相商還自問何事
被他情累瘦已難堪况風塵久寄怪道是人生厭
憎只自看也生猜異奩兒忒小著不得千吁萬氣

入夜

羅扇不禁秋湘簟初涼玉人無汗烟柳空濛扶夜
容一片滿榻月明肌雪軟渾身花影鬟雲亂最堪
憐處翠幕銀鈎闌裏關心顛飛螢如有意小住

碧紗窗畔夢到酣時好事都窺見畫鼓促更容易
打鸞膠貼肉而今驗粉消黃褪明日箇指教伊看
滿庭芳

拜月

柳眼知愁蕉心鎖恨重重門掩秋光更闌夜靜滿
地月昏黃衷曲向人難訴向嫦娥細語商量瑤塔
下澹澹拜也一炷水沉香殷勤無限意風吹羅
帶露濕衣裳怎生禁架得這種淒涼欲問柔腸何
似似篆烟斷續微茫粉牆上竹搖翠影疑道是蕭

郎

春日偶興

燕影來軒鶯聲在柳起來日滿窗紗非關中酒何
事睡偏賒贏得官貧自在經年箇不用開衙儘任
我風流成性又疎懶無涯更一春樂事呼童洗
竹課婢澆花好對花酌酒倚竹評茶喜共山妻閒
坐草茵上棋鬪紅牙頓忘了此身是客八載滯三
巴

咏螢

趨著秋宵避他明月潛身檢點花魂向花淡處分
外賣溫存任是西風吹不滅偏隱約暗裏窺人曲
徑畔輕盈數點偷照楚峰雲有時低映水夜珠
一顆瘦影雙分更欲飛還住綴草鋪茵最怕玉娥
憨樣生惹出團扇相嗔俏捉去碧羅小幔許與夢
兒親

鳳凰臺上憶吹簫

美人彈琴和李上珍韻

夜靜風微月明籟寂悶來獨坐樓頭把香燒心字

裊裊烟浮調得水絃方就頻欲弄還又頻休怕彈
那別鸞舊調寡鶴新愁凝眸沉吟無語千萬種
芳心化作悲秋且漫將銀剪玉甲輕修惟恐餘音
易歇彈不出無限殷憂絃斷處燈花落也窗影雲
雷

積雨

山抹雲橫樹團烟濕鈎簾欲望魂銷悵鴈書落拓
蝶夢迢迢正是客衣未授新寒早催著征袍闌干
外芭蕉綠碎楊柳青凋蕭蕭這淚珠兩點隔窗

兒一紙無暮無朝悔少年遊子宦海蓬飄任是錦
江漲滿流不去念遠情苗重陽近滿城淒景愁入
詩瓢

和漱玉詞

多少情腸無邊意態從今粘住箝頭望馬嘶別路
簾捲金鈎怕是天街又轉只待得轉盡方休如陽
下一絲衰柳一片殘秋休休箇人拚了縱情絲
萬丈難把身留剩裊香衣淚斷送紅樓憔悴雲期
雨夢有鮫珠串串瀉出雙眸傷心處柳梢月上挂

起離愁

西子粧

咏秋海棠

紅冷蝶鬚綠粘蜂嘴多少柔姿秘意花開點點弄
芳心倚窗前爲誰血淚西風漫舞不解相思如此
最堪憐在細細烟中絲絲雨裏嬌無力一枕檀
痕半腮沉醉浴溫泉妃子殘粧試湯餅何郎新洗
非腸易斷端只爲情淡欲死任憑他小譜重編賈
史

荷花

步怯凌波情淡解語小靨酒容未散芳心點點托
薰風被日暖芳心欲綻溫泉浴罷透紅肉香生一
線愛殺並頭滋味只許鴛鴦偷見 難得歡約常
存易得香盟斷柔絲縱有萬千條柰如水流年暗
換採菱歌歇猶憶著湘蓑初濺更堪憐花共相思
無限

燭影搖紅

送友之建昌

地角天涯論交三載同爲客憐君久困舊青氈我
愧腰全折一樣襟期落拓怪今年朔風太惡陰藏
淡日冷逼濃霜催人行色 行矣前途探奇珍重
尋陳跡渡瀘沙濶人家少阿路山欹仄放膽莫將
心眼窄畫圖收拾歸囊橐夕陽影裏曉雲淡處把
愁安著

雨夜

小夢三更被他雨鬧芭蕉隔一燈寒暈半床愁都
付秋城柝帶濕蛩啼不住碎嚶嚶向人細說算來

今夕總是關情無非寂寞 竹葉蕭蕭風兒弄與
敲窗榻枕頭生就怕孤眠佳味何從得笑殺蠶叢
勞吏渾似箇夜郎遷客未聞過鴈空有鄉心知憑
誰托

漢宮春

杜鵑

怨魄愁魂趁一天月暗萬里烟霏聲聲報道不如
歸去庭闈遊人此際聽來分外堪悲辜負你一腔
熱血如何叫得人歸 叫得東風去也歎醪醖香

謝芍藥紅稀弄教落花無主柳絮空飛可憐最是
惹客中鄉夢初回直啼到喉乾血盡勞勞畢竟因
誰

夏初臨

初夏和楊孟載韻

杏子含酸荷錢放暖春光一夜都歸花信催殘薰
風吹出羅衣片雲欲弄晴暉惹荒城處處花飛鶯
乾喉舌蜨消香粉蜂瘦腰圍 愁人此際雞肋名
虛鄉心何處魚腹音稀書生潦倒八年淹滯巴西

午睡移時夢魂猶憶楚山薇怕鵲知孤踪萬里來
向人啼

倦尋芳

秋感

蕉翻風綠葉冷霜紅秋思零亂簾捲樓空人病芙蓉
小院貼草半飛憔悴蜨書天幾字平安鴈倚闌
干見斜陽牛背巴歌聲斷 悔年少無端作吏萬
里身輕七年遊倦回首青山黯黯白雲遮徧耽悞
詩瓢酒碗債惟餘婢膝奴顏賤寄新愁錦江上客

帆如箭

病中

少年何事與病多緣與花無福到被春光累我愁
看苦目瘦去幸還餘骨在舊衣新覺都寬幅淒涼
處但聽得鶯聲心傷欲哭 更閑却酒瓢茶碗詩
囊劒匣琴床棋局不如蜂蝶任意綠偎紅宿豪氣
從來千百丈一宮一病都教沒把風流換得箇藥
香薰腹

聲聲慢

和漱玉詞

霜封鴈字雨咽蟲聲秋光忒也慘成十二樓空徧
倚闌干歎息迴腸萬轉千折日日比車輪較急苦
莫苦生別離樂莫樂新相識 錦瑟瑤箏塵積零
落盡挂壁存誰彈摘妾守癡心無計換郎心黑生
受軟綃承淚淚濃時和血共滴這憔悴惟有箇枕
兒解得

長相思

春感

花片成泥香生燕嘴舊巢好補雕梁柳絲如夢綠
鎖鶯喉新聲偷譜春光日斷晴窗但四圍山樹一
帶烟江遮莫是愁鄉悔無端情思茫茫 想錦襪
銷魂紅靴按拍三生石上淒涼風流猶記得去年
春盡太輕狂俏向花房草茵軟煖卧鴛鴦怪東君
今年賺斷人腸

合歡

上五句萬年歡下五句歸朝歡

擬豔

月約花期正黃昏人靜薔薇小院芳草鋪茵團就

粉香一片聽乳鶯雛燕分明訴出從前願挽鬆雲
起來檢點裊袂春光濺道是今宵有花姨作證
月娥私鑒儘著丁寧俏語千迴萬徧向眼前眉後
莫將顏色招猜怨恐防人暗中窺見避了流螢面

八聲甘州

偶感

凭秋光一片是風梭織雨做教成煞淒涼時候山
圍黃葉人滯江城燕燕畱他不住尚有故鄉情鎮
日箇無聊無賴如病如醒忍向鏡中瞥見覺近

來愁態太瘦生生便梁園金谷值得悞歸程憶江
南木蘭艇子夢裏聽欸乃棹歌聲慙愧殺舊囊短
劍宦海身輕

雙雙燕

咏燕

翩翩翠羽度社日花朝三春一夢頡頏生性占斷
人間情種任是畫梁雕棟不忘了主人恩重雙雙
銜取新泥好補舊果香縫喚醒玉樓人睡趁簾
捲梳頭半窗閒空隨風飛去遊徧柳堤花街裁剪

淺紅淡綠頓自把芳心撩動無端來便傷春去又
悲秋腸痛

揚州慢

偶感

時聞黃河水患

鴈背霜粘蕉心風裂這番冷似前番恁短衣長劍
柰客裏秋殘碧窗外芙蓉謝矣昏烟衰草恨瘞紅
顏教閒情陡來眼底又上眉尖 故鄉萬里盼不
來一字平安况年少飄零宦遊潦倒五載難堪聞
道黃河漲也腸九曲曲曲愁添向錦江寄語好流

夢下江南

玉蝴蝶

聞砧

薄薄一天雲影似含雨意猶露銀蟾獨有異鄉羈
客此際無眠怪銅龍城頭頻擊驚鐵馬樓角輕喧
鷓鴣無端誰家雙杵搗破濃寒 堪憐空閨何事相
思欲寄廢力徒然如縷餘音應難飄向塞垣邊道
只我悲秋腸斷更有人念遠心酸最銷魂鴈兒過
也黯黯啼烟

咏粉蝶

春正花叢睡足金鈴醒夢一片香魂排演玉柔粉
嫩忒殺温存偷粘住桃花人面俏依著草色羅裊
賣風情玉人頭上小惹巫雲紛紛飛紅萬點柳
綿無數齊過西鄰憔悴無端羞隨春色瘦三分合
歡處生憐芳徑相思路死怨東君更堪嫌妬風吹
雨隔斷輕塵

長相思慢

咏月下芙蓉花

紅漲腮潮綠分眉暈依稀卓氏文君偷來月下小
立星前弄嬌弄影花心知尚屬琴心早一天秋色
冷透脂痕想賣酒當壚被酒香撲鼻成醺 柰瑣
碎寒蛩夜夜悠悠泣露叫斷花魂碧雲籠玉翠霧
縈牆隱約續紛相看無語銀蟾如水浸黃昏更淺
嫌密妬風不温存

瓊瓏四犯

舊歲今朝

竹雨蕉風是舊歲今朝別離時候今歲今朝秋色

依然似舊可憐多少相思落在茶前酒後歎我東
西南北走一箇飄零傷憊朝雲塚撇荒烟覆痛
孤魂祇園左右丁姬塚在楞伽菴花鈿滿地誰爲主粉怨
香愁透休向鷓鴣巢穴好認取羅浮情竇浸心苗
兩行清淚濕征衫袖

金菊對芙蓉

秋感

淡日烘晴微風釀冷作成一片清秋欲窮千里目
更上層樓惟愁無路教愁去把湘簾齊挂銀鈎斜

陽影裏翠烟淡處哀鴈南遊望鄉不敢回頭柰
雲山重疊遮斷雙眸正銷魂此際有淚空流舊愁
不獨難推去又添些無限新愁誰家更是數聲羌
笛幾曲巴謳

夏日有懷

小扇風輕羅衣汗重日移堦影遲遲憶床鋪玳瑁
簾滑琉璃玉人欹枕成濃睡印枕痕香頰凝脂恐
醒午夢紅絲拂子爲拂蠅兒正是去歲斯時把
風流情事頓作輕離被茫茫宦海隔斷佳期從來

未。諳。相。思。苦。今。識。相。思。不。可。支。能。教。人。瘦。能。教。人。
病。更。使。人。悲。

雪梅香

丁丑辰日

仍是我依然短劍客天涯獨今朝增歲空傷老大
無才三十年中塵土味八千里外夢魂哀山妻多
事梅花香裏小筵開愁腸難著酒酒杯方盡淚
已盈杯多少鄉心兜來落在歌臺弱女謾教稱父
壽遊人先熾憶親懷寄語他峽猿塞鴈靜夜休催

高陽臺

秋夜

風。加。催。霜。烟。痕。鎖。月。天。教。做。弄。秋。光。落。盡。梧。桐。從。
今。後。更。淒。涼。一。番。冷。比。一。番。冷。一。夜。長。如。一。夜。長。
看。蠟。灰。寸。寸。斷。人。寸。寸。迴。腸。欲。眠。幾。次。難。成。睡。
怕。山。空。天。濶。夢。也。荒。唐。况。又。何。堪。床。頭。軟。語。哀。螢。
盼。秋。急。早。同。愁。生。奈。秋。殘。反。覺。心。傷。且。拚。著。兀。坐。
任。他。淚。濕。衣。裳。

咏秋蟬

薄髻梳雲輕衣剪霧齊宮舊樣如新玉冷香銷倩
他樹鎖芳魂吟風不作樓東賦寫幽懷一曲鳴琴
向星前月下縱絃斷少知音 悲秋不爲今蕭索
爲當年冷落柳眼花心一點情苗化成千載情根
相思好對遊人說莫教聲更到朱門恐那人未卧
因伊解怨王孫

梅子黃時雨

風雨怨

天色愁人正霧慘雲迷雨狂風惡向冷淡官衙纏

綿做作綠响半庭蕉葉碎紅飄一樹榴花落還橫
虐薜荔牆頽茅茨屋折 不管鄉心萬斛到昏昏
此際無處安著獨自在黃昏孤亭寂寞吹斷紫簫
腸欲裂最淒涼是簷牙鐸鴉歸却遠近疎林烟隔
東風第一枝

春景

煖破桃唇晴烘柳黛好春色渾如染碧烟一望萋
萋連芳草平於剪秋千院落斜挂起東風輕淺最
宜人來去遊絲欲裊裊扶春軟 撩客恨烏衣嬌

宛驚客夢黃鸝高轉任教淑景多般倚樓總成愁
感低徊坐久還怕聽巴歌羌管但無言凝了雙眸
盡日畫簾閒捲

真珠簾

寄懷漪文內弟

層樓架就相思木望長安一帶雲埋烟簇天盡雲
烟下有君家書屋清晝斑衣初舞罷度春宵鴛幃
繡褥雙宿肯移情懷遠書封鴈足我自一官畱
蜀聽了些虎嘯鶻啼猿哭白日作奴顏黑夜眠塵

牘酒俠詩狂都棄了只換得愁眉淚目遙祝再何
時共剪西軒紅燭

念奴嬌

感懷

黃昏庭院正重門淡閉蕭蕭風雨冷逼孤燈凝綠
暈來照人間逆旅畫角吹愁疎砧搗恨蛩作淒涼
語清商一片秋光弄得如許遊子幾寸迴腸腸
中寸寸都堆愁萬縷官舍可憐徒壁立况是皆無
完堵抱膝空悲有才無命擊劒歌梁甫不眠獨坐

更聽樓頭三鼓

秋夜感懷

雨驕風橫把眼底秋光連宵作踐竹葉無情弄有
聲響到蕉心夢斷燭燒長夜人病天涯被擁寒如
線哀蟻何事偏向耳根厮怨不識愁寬腸窄欲
說成羞贏得聲吞嚙信是床頭金盡矣壯士自無
顏面萬里飄零五年潦倒牛馬隨輕賤不堪回首
故國白雲塞鴈

春情和漱玉韻

東風冷煖太欺人腰瘦繡幃好閉山樣愁眉描不
得怕見鶯花天氣前日離雲昨宵夢雨釀做相思
味淚痕羅帕寄時和信同寄閒却十二闌干花
枝空覆無箇人人倚不是爲憐雙燕子忍把湘簾
捲起更被啼鵲聲聲弄血說出當歸意天涯那裏
知他曾解聽未

桂枝香

秋感

西風何驟只吹雨濛濛將秋做就一片飛烟鎖住

望中遙岫征衣已向天涯舊怎禁架晚涼時候芭
蕉未裂梧桐先落河商遞奏 遮莫的陡來僞憊
惹心頭病害眉頭愁皺近爲悲秋覺比傷春還瘦
荒涼事罷開衙後鎮日箇挨殘昏晝酒兵無用詩
魔消滅真成孤陋

其二

風如刀快把幾葉梧桐輕輕剪壞柳線空長做不
得湘裙帶蜂癡蜨懶都無柰剩哀蟬聲聲愁賣惹
教人恨苦教人悶病教人害 滿眼無非秋境界

自商量斟酌飄零莫再以宦爲家畢竟有家何在
少年誰使多狂態到而今淒涼償債一窗雲影一
簾樹色斜陽山外

畫錦堂

秋雨

擁樹團烟釀風做冷千絲萬縷紛紛可惜一天秋
色盡屬淒雲蟬愁柳老聲多苦蜨因粉濕病纏身
最無端滴破空堦瀟瀟排比黃昏 銷魂侵薄被
生淺潤陷他小鴨常熏知我相思獨卧熨貼難溫

長亭路滑知無夢
燈凝綠暈照愁人
怎禁架頻頻
畫角聲出譙門

瑤臺聚八仙

無題

蝶粉蜂黃初褪
盡夜來小病
偎人冠兒不整
斜拖雙鳳釵
金簾障眼波
嫌曉日翠消
眉岫鎖湘雲
悶昏昏厭厭
惜惜懶打精神
還倩蕭郎
親手茶湯
新試藥餌
調勻卧擁
蘭衾鴛枕
嬌怯溫存
兜起半腔心事
又不覺含酸
落淚痕道
可憐舊時
紅袖

寬了三分

如此山川

如此山川
看不得孤踪
何事遲留
歸心動矣
欲歸心已難收
三十功名
雞肋味
八千客路
鴈行愁
謾回頭
白雲芳樹
礙斷雙眸
看看西風到也
又吹來無力
不動蘭舟
猶自短衣長劍
走馬奔牛
不如且住
爲佳耳
甚徒勞閒恨
與閒愁
更兼是問江南
松菊早晚成秋

黃鶯兒

咏鶯

閒情欲說知多少無限江山無邊風月無窮花粉
都憑舌巧被細雨濕衣寒濃露粘聲小任他楊柳
三眠扶起東風綠窗春曉縹緲喚出踏青人踏
破芳堤草園林深處贏得輕狂受用翠圍紅繞怕
香裏鬧春歸簾外憐人老做到無語吞聲芳心悄
悄

戀芳春慢

秋怨

煖煖晴晴陰陰冷冷風風雨雨烟烟倚徧闌干十
二總無情緒覺凄然怎禁他衰柳蟬嘶老梧葉落
鴉翻玉簫聲裏芳魂吹破搗衣石上午夢敲殘
揚州杜牧今作有恨江淹回首朱樓繡戶相思都
化柰何天傷心處碧雲紅樹青山

戀芳春慢

第二體

落花

一片芳心萬千香淚紅泥和恨埋春秋千架外冷
落了翠羅裊只這風朝雨夜早斷送無數愁人還

牽惹性軟遊絲抵死畱住東君
蝶兒飛去如癡
如夢鶯兒睡起無語無魂輕盈記得當年桃葉桃
根今日畫橋流水綠波浸透脂痕相思處凝眸細
數闌干倚徧黃昏

南浦

秋夜

無邊光景被風吹雨打逼成秋釀作換衣新冷約
住翠烟浮寂寞梧桐小院看蕭蕭敗葉舞颼颼更
哀蟬四壁叨叨絮絮訴出許多愁
不管有人作

客慨襟期落拓錦江頭竟似無家杜老飲恨淚空
流生怕夜長歸夢短不眠索性數更籌窗掩燈昏
處一聲寡鵠過南樓

金盞子

秋早

爲問西風恁催趲秋光頓來多少窗外芭蕉試一
葉一聲一聽一惱何堪日坐愁城更山圍水繞遠
樹挂斜陽無端閒鎖倦飛栖鳥
久客歸心悄算
歸計已成仍又杳欲遣愁無策惟憑酒掃柰酒盡

愁難了八年萬里孤蹤望白雲縹緲天何意只管
折磨書生便教秋早

綺羅香

落花

一陣輕寒一回嬌煖作踐春光如許廿四番風吹
得亂飄香雨可憐那褪粉韓憑淒涼煞啼紅杜宇
賴多情燕剪香泥銜上畫梁淡處去 幾回欲替
花姨問東君薄倖東君無語片片胭脂堆滿玉闌
干底還虧他裊裊遊絲礙住了花飛不起從來是

短命紅顏斷送春宵裏

綺羅香

第二體

春莫

燕蹴花塵蝶沾絮雪九十春光如箭幾許芳心都
化作紅愁綠怨畫闌邊芍藥烟霏彩架下荼蘼風
顫縱遊絲蛛網多情東君薄倖應難絆 休文瘦
不勝衣怎禁愁無限玉簫羞弄錦瑟慵彈多只爲
傷春不慣滿眼裏凝淚含酸一腔兒短吁長歎最
銷魂院宇黃昏閉門雲影亂

歸燕

新冷秋成舊巢香墜怎教不思歸去畫閣紅樓眼
底離亭別路消受盡柳黛桃腮淒涼殺竹風蕉雨
更多情戀戀依人尚對著小窗分訴說到恩情
淡處抵死飛還住烏衣忒瘦翠羽偏輕又怕社期
耽悞儘叮囑藻井雕梁好珍重玉筐朱縷決不作
颺翅飢鷹飽入他門戶

百宜嬌

咏秋柳

看一雙淚眼兩葉愁眉鎖無邊幽怨爲西風搖落
長亭畔恨說誓說盟鶯燕心腸都變竟去也莫些
畱戀拋人在冷雨淒烟裏受棲鴉輕賤記得當
時嬌豔傍章臺繫馬王孫歌宴更金絲蘸水惹無
數蘭舟還縈紅纜此情何限待明年多添長線拚
三眠日把東君縛休教散

探春

一名廣寒秋色

中秋無月

限韻

玉案陳瓜金盤薦餽道是今宵月半桂減疎香桐

添慘綠故把良辰作踐畧放些雲影早閉了廣寒
宮殿無端禁住嬋娟不教出頭露面 萬戶千門
開宴儘曲盡團圓嫦娥那見簫鼓人間傳來天上
都變作清商怨不管思鄉客無眠待月空長歎親
舍迢迢被昏烟遮目斷

十二郎

和夢窗韻

蕉聲細雨寒鎖住碧烟欲凝聽蟲近床空鴈低天
遠萬里夢連客艇七度西風老矣猶卜得歸期未

定看門掩青蕪地鋪黃葉無非愁境 宦興真羞
對那菱花妝鏡只剩有依然敝裘長劒淚眼雄心
瘦影度曲聲高賞音人少可惜玉琴徽冷簾捲起
一抹秋山數點鴉啼樹暝

秋霽

新晴

山影侵簾似出浴新盤一窩螺髻黃葉連雲翠烟
貼草襯得秋容佳麗詩中畫意畫中更有詩中句
鴈字寫遙天去來乍就推敲勢 對此暗想故國

園林儼然如在眼前
眉際儘著貪看看
不足柴門誰忍
淡淡閉小倚小窗
還小憩纔始回頭
又是牛背斜陽
鴉翎返照
供人活計

春雲怨

積雨

秋風如削甚吹雲不動
連朝力弱鎖住江城別路
燕子欲歸歸不得
樹抱淒烟山封濕霧
向人一片愁顏色
客舍添寒征衣生潤
日受薰篝厄芙蓉
小院花初萼惜厭厭
瘦蒂悠悠淹落
最不堪聽聲

最惡點點零鈴雜著
窗前芭蕉作合
多少情腸無邊
情緒付與床頭蟋蟀

梅花引

春閨

風信緊花期準
香巢歸燕雙栖穩
意兼兼思翩翩
溫存軟語似說好
春天不知人在淡
閨裏日日合歡床
獨倚恨依依怨悽悽
玉筯自偷垂界破
胭脂無聊賴無可柰
病兒扶出秋千外
花陰中柳陰中去
來年少青驄認郎
驄錦箏瑤瑟誰家
院鬧處

東風過欲半最關情最難聽相思萬種化作一鶯聲

選冠子

賦豔

衣怯綃水裊揉縠皺矮髻一窩雲挽梧桐露重楊柳風輕又早晚涼漏轉躡足扶花潛身就月趁此花淡月淺好提防未睡鸚哥與醒睡護花小犬且完了眼諾看期雲情雨意光研素羅春染嬌難勝蝶嫩不禁蜂斷送玉溫粉煖珍重秘誓芳盟地

久天長海枯石爛但從今夜夜夜心香細認朱門空
揜

喜遷鶯

暮春閨思

曉鶯聲喚問東君何事去如飛箭紅雨花零碧烟柳重芳思可勝歷亂風動秋千閑索鎮日無人庭院謾極目一望萋迷玉人不見闌干斜倚徧千里相思觸處堪腸斷錦字裁成紫簫吹裂此恨此情何限春又一年擔閣儂更一年衰變辜負也罵

晴絲無力楊花輕賤

歸朝歡

秋閨

十二樓窗簾半捲細雨瀟瀟秋色淺芭蕉做意弄
愁聲芙蓉無語勻啼臉眼底屏山遠冷烟飛出疎
林晚盼征鴻癡心呆想悶壓闌干煖悲秋更比
傷春懶怕夜偏長嗟印短羅衣繡帶瘦來寬銀箏
錦瑟塵教滿眼底相思千萬點淚珠滴破鮫綃軟
一任他香消粉褪蜂蝶憑誰管

今夜

今夜夜涼愁未睡月影滿天雲滿地梧桐葉落漏
初移芭蕉聲破風俱碎眼底供憔悴遠山黯淡螺
兒翠更誰家清砧悵怨敲入心窩內畢竟疎狂
因有罪受盡官場牛馬累魍魎結隊夜郎多豺狼
當道蠶叢最夢裏猶驚行路難而今連夢都迴避
趁秋潮歸舟早買省了千千淚

帶天涯

不寐

夜夜滯孤城。厭江聲到枕。月影依床。風入疎櫺。都來客裏。醞作許多情。欲教翠被。蓋愁奈。愁長被。短還倩。銀燈。慰淚。恁淚。澀燈。明今宵。真箇是分外。淒清。聲聲麗譙。近也。耳邊。痛不住。催更只解道。敲人夢破。怎知我未曾合眼。無夢與伊驚。可憐夏夜。猶如此。更何堪。能幾日。又秋生。

花心動

怨詞用謝無逸韻

蓮肉雖甜。心却苦。螢火那燒腸。熱禿了。蜂兒蛛網。

纔張這樣牢籠。空設除醪。徒長渾身刺刺。不出偷香人血。殘蠟燭。結花有限。不如不結。桃核合歡。拋撇縱得箇。桃穰。怎生歡悅。比翼鸚鵡。終日雙飛。今日一隻翼。折佳期。未卜大刀頭。鏡破已經成半。月誰曉得。惹起許多根節。

合歡帶

咏桂

西風未忍遽。淒涼還作意。染流光。借得廣寒宮裏。樹吹來。小院麝臍香。無端勾惹。瘦蜂病蝶。拚死輕

狂算花評月品飄飄韻勝還讓秋娘 多情翠袖
解意紅粧安排襯入茶湯這一點箇中滋味許檀
郎畧畧偷嘗殷勤寄語長宵短會趁此芬芳怕素
娥翻然生妒弄教青女飛霜

薄倖

本意

東奔西走悞却了三春花柳把一刻千金天氣弄
作雨僞風憊儘杜鵑著力替催歸問我耳今還有
否早榴花開也端陽到也看看又成辜負 撇得

落花無主教蜂蝶如何不瘦想愁紅怨綠嗔鶯惱
燕遠山解學修眉皺淚痕沾袖遙思到此際寥寥
我也難消受真成薄倖就咒也應當咒

閨怨

限韻

雲魂雨魄被秋月春風耽閣全不記烏絲小誓願
把鷓鴣私學算從來蝶浪蜂狂也不似那人難托
悔金屋開時玉樓合處都是當初輕諾 誰料桃
花顏色竟做了桃花命薄這一燈夢跡半枕啼痕
配得過梅花寂寞離鸞別鶴將舊調偷聲新譜出

小窗絃索心香空印究難灸伊心著

道書以肩為玉樓

其二

渾如失魄鎮日箇懶凭妝閣怕鏡裏人兒眉黛偷
把儂愁閒學印花封欲寄啼痕鴈足小何堪重托
只盟心未冷貼肉猶溫寡信信乎輕諾 難道情
淡海樣驀變作秋雲淺薄問簫弄秦樓笛吹楚館
可似我蘭閨寂寞一雙鸞鶴會風流幾許怎便教
一隻離索而今憔悴那日已安排著

擊梧桐

秋感

秋入梧桐院風起處葉葉總關心顫聽舊時燕子
新訴出萬種離情別怨欲晴欲雨乍寒乍煖弄得
天心易變對蜨癡蜂瘦恁不由不自魂銷腸斷
衰草天涯白雲故國疎樹遙山烟暗株守官衙裏
門掩著一味淒涼慘淡鎮日扶愁扶病如昏如醉
更淺吁淡歎盼不來幾行鴈字鄉心何限

風流子

閨情

眼波原似水滿不住秋漲一睚潮更雨剝蕉心千
層愁捲露凋蓮臉兩朵脂消都付與人挨如歲夜
蟲語可憐宵怎柰孤砧敲來夢裏何堪殘燭燒著
根苗 舊時鴛枕意而今竟作了燕子空巢真箇
蕭郎陌路倖短情澆算浮萍無蒂有時還聚斷絃
欲續沒分投膠珍重軟銷痕血畱待伊譙

春盡

閒愁禁不住眉尖上蹙破小春山看燕剪剪花落
紅零亂鶯梭梭柳嫩綠纏綿闌干外青梅圓似豆

荷葉小於錢人自有情非關俊眼夢將無主勾入
長天 還愁清睡裏又天涯迢遞難到伊邊索性
猛拚挨過日影如年怕芳草王孫西陵月約楊花
妾命南國香殘瘦得腰兒細也羣帶心酸

江南春

秋興

試問天涯秋幾許西風滿地悲羈旅芭蕉多事近
窗紗芙蓉消瘦渾無主燕子欲歸花帶雨蛩兒說
盡傷心語竚看一鴈下邊庭淡情人怕惹閒情

客如秋秋似客辭林黃葉輕飄泊愁腸覺比情腸
惡猿啼清淚鮫珠落虎嘯聲羶聞不得黃昏都向
官衙側唾壺敲缺作歌長短劔休憐鏑似霜

離別難

燈下彈琴譜漢宮秋有感

雨帽風衣客中人久矣魂銷只今宵燭底無聊又
何堪痛飲讀離騷空落落秦庭吳市漫勞擊缶不
用吹簫理瑤琴好托七根長線一一寫心苗神
蕭蕭意蕭蕭把漢宮舊譜新調更幾聲怨幾聲苦

縱長門不鎖碎嘈嘈與那箇老卒沙場書生監甕
同樣嘵嘵怪道是輸與花奴羯鼓要讓鬱輪袍

沁園春

睡鞦

宮樣泥金吳綾襯玉嬌軟銷魂美幫兒淺窄織荷
舒夜底兒尖瘦嫩笋兜雲一捻紅酣半彎香滿占
盡人間多少春從不到落花芳草地偷帶輕塵
宵來殢酒微醺悄不覺因何褪了跟情淡被底飛
鴛鴦得偶擎來掌上印月無痕同夢相偎合歡並倚

每背蘭燈帳影昏風流甚把檀郎如惹賣弄溫存

金明池

秋閨

楊柳絲衰芙蓉萼小秋色著人人瘦難將息陰晴
無定正做煖矜寒時候縷金衣試著嫌寬却又被
一線風尖吹透怕是妝樓菱花依舊鏡裏人非
依舊憶自畫眉郎去後柰眼底流光都關情竇
見鴈燕往來消息惜蜂蝶夢魂儂空冷落蕙帳
蘭衾任雨阻巫峰雲封楚岫更厭厭憔悴挨盡長

宵數徧了如年漏

白苧

戲對新月

限韻

柳梢頭早挂起一鈎斜玉西風弄影搖亂千條秋
綠陣陣新寒直逼得生肌粟羌笛又誰家譜出了
斷腸詞曲喚醒嫦娥簾捲瓊樓妝束何處畫眉人
消受霓裳簇私祝可容措大解作情癡這枝枯
筆不願有生花福那更說神女巫峰六六銀河脈
脈但露珠溼透桂牽香肉坐此清光飄然世外無

些塵俗謀諸少婦爲我傾醪醑
春風嫵娜

秋思

問秋光底事煞也無聊風夜夜雨朝朝話相親四
壁哀蛩關切將些愁恨叫上睂梢楊柳情衰芭蕉
心冷魂欲銷時無可銷何處孤笳來戍吹誰家雙
杵隔鄰敲 更是衝寒鴈陣安排人字寫長天隱
隱低高紅樹近白雲遙青山萬疊插破烟霄病裏
微軀涼欺班簟望中衰草色減征袍中秋近也歎

淮南叢桂今年又是八度相拋

翠羽吟

秋燕

風滿林雨滿林風雨又秋深烏衣原薄能消幾陣
陣寒侵一點悲秋腸肚比傷春倍十分縱使依然
柳絲如故料難繫住歸心 主人空自費殷勤柰
泥香已舊那復如新况是小雛羽勁奮飛有力何
須更戀人啼時久不成音啾啾終日哀吟看徧花
堤受盡花恩翻厭梁塵無情黃葉紛紛離亭煞斷

魂叮嚀此去明歲重來莫似而今

蘭陵王

閨情

黃昏院。斜雨斜風。一片闌干外。衰草萋萋。惹到處。哀蛩吟徧。芳心渾髮亂。更憶天涯。凝盼那人瘦。知
早先寒。試怎消承衣未換。無言餘有歎。但窗下
裁縫燈前針線。思量趁箇征鴻。便想君跡難猜。妾
懷生怨。不如付與并州剪。剪取柔腸斷。說著將
情判柰情種。愁苗又來牽絆。啼痕盡把鮫綃茜待

歸來擲與重重教看細數鴛鴦新舊欠從新算

夢裏

夢兒裏猛聽一聲去矣。慰君情珍重相思是妾命。
天生如紙湘裙。欲化蜨瘦扶魂不起。痛煞煞半晌
幽歡又被鄰雞不作美。五更敲到耳正曉。印酸
風沉埋西子。荷絲未斷。香先死。悵殘燈無恙。芳跡
難尋。淚眼頓傾三峽水。猿泣差堪擬。付與愁無
底。剩膩粉濃脂肥紅蠹紫。眼前歌舞空羅綺。想風
流往事韶光。彈指年來不作花知己。編花史

多麗

雜憶

柰之何愁如春繭絲多捲珠簾遠山無數當窗偷
學雙蛾繫心遙白雲萬里遮目斷紅樹千窠劍影
伶仃詩思寂寞疎狂到此盡消磨贏得箇奴顏婢
膝牛馬共奔波怎禁受憂傷成病煩惱生魔更
無端情生情死牽腸兩下難過再休誇三生好夢
空憶著一掬蠻靴錦瑟絃哀玉簫聲裂雪兒歌罷
起巴歌縱拚得朝衣當酒難博是微醺江南恨白

門樓下九曲黃河

時老母少弟皆
寄寓於徐州

六州歌頭

客怨

西風盡矣吹碎碧蕉天雲初凍霜初重著人寒小
窗前衰草苔痕淺門空揜鴈聲遠蛩聲短鴉聲晚
角聲酸剩有芙蓉一朵消瘦了薄命紅顏客裏心
心裏病愁上眉尖何事年年鎮厭厭夜來滋味
渾如醉燈花墜漏闌躡夢未穩無憑準可人憐小
衾單更鄰家少婦無端和月無眠腸欲裂相思切

托砧傳不○管歸魂○被伊敲斷○落在誰邊○但床頭短
劍孤影○自懸懸○眼幾會乾

凝香集 卷之四



卷之三